

農軒文集





農軒文集卷之三

附錄

挽

永川李沂洛

松山獨保歲寒操  
閒養七旬有六年  
儉約規模由實地  
溫恭氣味見真天  
庭前晚景兒孫慶  
案上勤工父祖篇  
清粹典型何處仰  
蒼涼雲月照空川

又

順天朴魯駟

磨琢真工老益新  
八旬林下養精神  
論文讀禮稀今世  
博帶我冠見古人  
騎竹前遊如夢境  
結蘭交誼接芳隣  
終身永慕惟為孝  
况又佳城侍二親

農軒文集卷之三

又

族孫基瑀

人間五福壽爲先七十猶稀又六年種德平生多  
熾慶養真當日作神仙滿庭玉樹枝枝茁舊業青  
氈世世傳回首吾宗耆宿盡斜陽竚立淚潛然

又

表從安東權正浩

梧桐山下兩松堂寶樹連枝三棣長栢悅深情同  
歲暮昔年風雨一凋傷

北方兵燹起蒼黃挈眷南來寓渭陽白首相逢兄  
弟樂亂中風月好傾觴

亂弭還尋故土庄高軒安信跂余望那知一夜驚

楹夢白馬丹旌送北邙

又

達城徐文植

回首東南士氣寒蒼蒼聯藪盡凋殘  
專心克理由來學隻手難回旣傾瀾  
鱗舞狐號何世界鸞停鵠峙好門欄  
追惟送子貽勞事歷歷如今感不安

又

金海金鍾玉

一夜文星沉海東仁賢何必歿如公  
書聲寂寞松山月道味蕭條錦水風  
緣深昔日頻頻拜物換伊今事事空  
若使精靈年壽假後生指路幸無窮

又

東萊鄭璉秀

純粹溫良稟白天精工不息老衰年間吟風月探  
幽興嚴整衣冠就夜眠萬卷詩書藏度閣一山松  
竹奏琴絃黃壚寂寞修文淚士友悽涼此日憐

又

東萊鄭萬秀

吾道出乾元我公體得存看書忘永日飭帶到黃  
昏收歛一生學聞風會士林論談傾四座然諾  
重千金幸結後學誼獲承發我蒙松山從此寂  
何處仰高風

又

月城朴殷祚

誰與期寒歲松山萬丈巍福能全齒角性也并弦

齊眉舉璞何楚別歸儵然仙馭遠華表問  
令威

又

豐川任衡宰

兩松亭畔一茅宮日夕乾乾到老工付樂林泉肥  
遯上彈誠經術養蒙中性情宗訣茶田老孝友家  
風悔祖翁吾黨宿儒星落盡顧瞻世道恨無窮

又

金海金鍾珉

憶昔拜茶田猥蒙共後先冀沾時雨化得侍教風  
宣我在三冬過公歸數日連往來從後續師弟好  
因緣公誕生丁丑先君同甲焉共叅同志老四信

丁丑先君同甲焉共叅同志老四信

契名篇所以情尤密老衰猶不遷松亭時候問山  
幕夏科聯心性情論說萬殊一理牽杜翁吟亂醉  
韓子送窮延世事浮休是優遊八十年高風何處  
仰寂寞起新阡

又

永川李泰皓

修養林泉不伎求家傳詩禮襲箕裘溫良恭儉由  
天性孝悌忠誠是實心玄晏平生惟好讀淵明歸  
去暢懷吟彌留一疾仙馭遠丹旆青山淚滿衿

又

族孫義源

古有自稱小學童承家孝友梅堂風窮廬畝卧安



無上陋蒼輦飄樂在中一世山林嘉遯志八旬詩  
禮啓蒙功輒車載路雲鄉遠適填冥途恨不窮

又

金海金鍾珣

地接松梧洞里同幾年操几暮朝通獻身忠孝餘  
今世保髮衣冠尚古風衛武到衰猶戒抑韓文送  
鬼更延窮先君交契零星畫一閉青山四尺宮

又

海州吳昶洙

溫良孝悌稟真天鉛槧林廬八十年有斐文章仁  
德重無疆福復子孫賢形骸都淨塵間客膚髮全  
歸地上仙奄忽斯文天不憖數鄉賓友淚漣漣

卷之二

農事  
卷之三

又

族姪亨燮

小學工夫度畢生做人樣子幾多成毫分縷柝陰  
陽理魚躍鶯飛費隱情迹跡林泉玄晏讀遺安賦  
卧龐公耕寒風颯颯青山路哭送農軒處士旋

又

豐川任寅植

三栢兩松是世家營農隱逸讀書佳忠表孝褐肩  
擔重義耨仁耕背負加四面雲山隣麋鹿一區泉  
石伴魚鰈翛然仙馭歸何處長使餘徒痛恨賒

又

慶州金洪大

悔堂古宅生詩禮是工程八莖衡門下樂飢講學

明 處困待來復農軒揭額名仁天何不憇古道  
日趨盲

又

延安李文永

百丈梧桐鍾毓生南天夜夜照奎精八龍三鳳罔  
前美靜裏雲林不世情

經卷茶爐送老年強康日夕惕乾乾可憐丹旆青  
山路新起先塋下一阡

又

慶州金憲九

稟姿溫玉又精金歷歷追惟恨莫深到老勤工由  
地實平生篤孝出天心清閒隱遯貧猶樂暢懷登

臨獨自吟七十六年仙馭遠謾令吾輩淚沾襟

又

安東金正顯

數架林廬萬卷書養蒙肥趣樂閒居超筵操几諄諄  
諄誨追慕無窮恨有餘

定心應物自安全閒坐臯比詔後詮孝友治家由  
實地謙恭行義得真天

又

門生星山李在哲

臯比廣設啓蒙時羣飲于河各飽其弟子相逢相  
與語先生聽稱可誰知

又

門生延安李鉉穆

滄桑東國變於斯齋恨民生盡涕洟  
倪宇淵源心  
性訣悔堂衣鉢孝忠規顏波砥柱終難定  
大廈摧  
樑自不支從此松山來去路諄諄承誨問疑誰

又

族孫基泰

挾書朝暮往來長感我童年永不忘  
懇懇孜孜講論  
義委人心腹盡慈詳

問病嚮天卧褥床神精無減氣偏傷  
啓余手足臨  
終語慎口三緘處世方

又

門生慶州金聖佑

禪佛枯槁處女貞平生操守一團誠  
不求不恃持

農事  
卷之三

身訣惟孝惟忠處世情折節從人卑自牧養蒙以  
正待來亨吾林宗匠誰今在長為斯文淚滿睛

又

門生義城金時俊

三山松下屋受讀做人書辜負勤教意多慙勉仰  
踈青雲看芥莛黃卷是畱畬大恨誰能贖遠遯一

夢虛

又

門生慶州金洪周

憶曾負笈年文幕結山顛隨叩洪鍾響詞源湧水  
泉一團春座上三尺雪門前公去將安仰難禁涕  
淚漣

又

門生商山朴成九

端雅風儀篤實心衣冠杖屨古人今半生浪迹成  
陳迹辜負童年負笈尋

仙馭適然返帝鄉全歸膚髮更何傷諄諄呬詔那  
能復丹旒青山涕泗滂

又

門生義城金明出

結幕桐山夏課時莪冠博帶典型儀星霜易流風  
潮變陳迹如今恨莫追

又

永川李興植

葭緣五十載幾度拜軒前孝友貽謨後詩書繼述

先靈光餘李世羸博度中年過恟何須說難禁涕  
淚連

又

南陽洪鍾求

承候源源拜几軒一般齒德達三尊詩書裘褐承  
先業孝友弓箕裕後昆斷斷秉情金似確純純氣  
味玉如溫衣冠膚髮全歸路叫詔慈詳永不諼

祭文

海州吳斗煥

有覺悔翁於休積德聞韶半州雲仍千億詩禮簪  
纓世踵蟬赫一家松山公承午脉賦性溫良受才  
爽萃其文菽粟其操冰蘖繩家勤儉律身矩矱出



言安詳辨理明確遯世林樊松桂搢搢安豐行義  
東湖食力暮雨簑笠曉燈墳籍儼然一方多士準  
則經疑禮訟虹消水釋門馱鄙算燭照龜卜義詔  
兒孫和攝姻族菊酒花晨談詩月夕八旬觀化雲  
遊廣漠蹟公平昔何憾何戚余肅公德媿誼載托  
公介子子從女孫適兩皆無父其地可惻席公恩  
覆有舖有育蜚緣往還情誼倍百隱余貞疴山門  
藏跡雲卧霞棲澗飲木食病雖云已人事閱隔相  
期歲暮幽蘭在谷公遽歿兮星回燧易病不躬診  
喪不扶服此何人斯言之淚滴援琴在卽敬薦一

酌公靈陟降庶賜歌格

又

安東權正浩

穩雅其質穎悟其資早知好學聞道不遲不厭不  
倦惟日孜孜諸子百家奄貫無遺就質大方倪翁  
是師心性理說直走橫馳齊瑟楚璞不諧于時春  
茲松塢閉門樂飢非我求蒙爲設臯比負笈遠來  
常滿山齋隨才授業登高自卑有如飲河各充量  
其竟日端坐敬以身持肩背竦直不搖不移百事  
周詳循蹈矩規小學一篇終身誦之傳授心法不  
外于茲事親至孝承志怡怡久病珠瘡吮而得醫

天降禎祥冬魚出池友于兄弟或恐相離和樂且  
 湛靡有不宜家雖分居財不于私庭無間言咸定  
 一辨頽波砥柱後生龜善顧余何人多蒙提斯曰  
 我先妣姑母公之源源往來爺孃後隨長我三歲  
 兩箇孩兒編髮髧葱吹竹騎兄才我鈍兄勤我  
 痴勉我不已切切德德白首窮年情不少衰過去  
 庚寅北燹漲彌負戴挈家避亂南爲合于一家同  
 鼎共炊亂中風月山顛水湄藉草倚松相吟賦詩  
 砲聲動地安而避危臨別贈言不忍分歧去而復  
 還幾度躊躇暮年氣力勉以加匙此行此別永訣

那知百年人世一夢之期公歸斯世斯文之悲余  
 實愚昧不窺藩籬跡公平生腴于倫彝諄諄誨人  
 忠信孝慈中年羸博付于一噫有子克家如龍如  
 麒種而得獲必有其時登堂蕭然永闕典儀一閑  
 幽宮九原莫追

又

興陽李源河

我祖缶川公家宅相追惟誼分百世如新誇耀寒  
 門同血名族且欽碩德世不乏人公生迺家克紹  
 先緒天賦粹美自修益勤不求於人無苟於己噫  
 彼俗流孰知其賢賢而晦藏善於處屯公為我祖

正闡幽光記實無遺感鑄何極第恨誠涉拜候亦  
踈期以百年擬報宿逋奄見乘化永屬歸虛不朽  
文章遺在巾衍儀型如見心迹可求英靈在茲歆  
此醇酒

又

族孫在璣

吾黨之砥柱摧矣吾家之棟樑折矣昔我公在世  
鄉議之巨細門事之大小咸仰我公而決焉公歿  
之後小子後生將安仰而稽疑孰就而問業焉且  
世值叔季斯道不講將蹄跡交於國中惟我公屹  
然獨立就有道而正焉俛翁卽其從師也眷茲松

卷之三十一

嶋草廬案有書床有琴碩人適軸可以樂飢簞瓢  
 陋巷可以棲遲若使從遊於聖人之門則必不禁  
 再發賢哉之歎矣近在六五之變洞民蕩析離居  
 罔知所措叫呼乎東西隳突乎南北惟我公以鄉  
 里耆宿啓迪我後人咸以正無缺非先見於未形  
 能之乎於乎家後兩松蒼然對立歲暮之盟誰與  
 歸同巾笥之藏手澤尚存俯仰之間終祥奄屆八  
 耆遐算可驗其仁碧梧翠竹鸞停鵲峙垂裕後昆  
 將昌大於未艾矣穩雅和淳之儀型真實剛確之  
 論議典重樸古之文辭忠信孝友之家政今皆不

可復見於斯世則小子今夕之哭安得不痛盡而  
摧裂哉

又

金海金鍾玉

天賦美質學文以充擇師取友從遊有方有的茶  
山一心宗仰誠敬之學博約之工知行篤實體用  
正當講帷前設以庸後生各隨其材規矩準繩衆  
皆傾心且翱且翔時方屯否厭世潛藏盟深猿鶴  
逍遙徜徉林園之樂日哦兩松公無求世世無知  
公念昔從公越自幼齡勸誨勤懇姻誼忝重地近  
莽蒼源源未能豈不德愛我實頽唐如愚如幼多

愧喪情世事多艱適值滄桑一瞥十載尚此未定  
漆室之歎人孰無傷賡祝遐壽胡遽告終松岡蒼  
翠松水汪洋昔我來斯言笑雍容今我來斯素帷  
幽靜日月云邁奄屆終祥緘辭來哭涕淚如滂公  
如有靈庶歆我觴

又

門生豐川任台淳

梧岳鍾靈惟公篤生天賦純粹穎悟聰明早自成  
童藉蔚文聲不待提督克勤課程晚而就正俛翁  
之門若決江河溯流達源究深致遠一理萬言理  
氣之說心性之論博文約禮溫古知新卓然有立



綽然有真世與我違河干伐輪反求諸已篤於彝  
 倫事親至孝誠感天神庭無間言化及鄉隣非我  
 求蒙負笈遠方諄諄教誨惟小學常終身誦讀念  
 茲不忘保髮衣冠到老強康行步出入絕無市場  
 對人接物極口慈詳三緘其口處世之方羸博之  
 淚忍何長提東門西河俱有偏私幸有肖孫英俊  
 其姿異日樹立執券可期回念疇昔此何人斯蒙  
 多誘掖如咀詔之未效萬一多負所學見圓畫方  
 那期有得膠於見聞風潮出脚東撈西摸罔知住  
 者乘船渡海二年旅食邯鄲學步歸之匍匐十數

星霜汨於刀筆四年入山淫於老佛拋棄舊業筮  
籬邊物自絕之罪難贖擢髮况又斯世南北分裂  
相爭骨肉何異墻閔堯言孔服徒勞無益郢書燕  
言那能正釋先生在世晨星爛若先生云歿如磬  
擿埴佺佺窮途何處歸宿遠洋遇風中流漂泊微  
在中衍摩挲手澤失聲長痛五內崩析一閉幽宮  
千古寂寞

又

密陽孫道洙

公之行義何敢容贅贅其萬一也我竊觀公之家  
閔則鵝洲望族嶠南清節必先屈指公生是家承

順孝悌習熟詩禮信守德業曰敬曰友爰及姍睦  
 孰不瞻仰遠近咸服奉先之誠追慕之感銘人心  
 而碑人口矣從事文墨聲望藹蔚世降叔季此道  
 毫梗寤寐聖賢有此典型爲世準則閒中今古靜  
 裏乾坤顧余無似幸得委禽承拜門屏晉候源源  
 慈諒之誨溫雅之飭愛我撫我尚教餘力小子不  
 敏不體萬一但祝神明期躋遐齡云胡一疾遽摧  
 山樑後生之嗟君子之終星霜易流墓草再宿我  
 懷曷窮晚矣我哭幽明之間辜負實多洋洋如在  
 庶賜歆格

卷之二  
 七  
 一

又

星山李德潤

於乎小子孤陋幾劣不敢低仰滋筆於大人長老  
之德之行而尚有鼎鑄之耳且具眇昧之目其所  
景慕觀感者不一二止則今於哭公之日亦不容  
泯默焉噫公生於巨閥丕承先徽察得乎內外輕  
重之分而早自樹立不汲汲於名韁用孜孜於儒  
學儉以持身拙以養德則蒼蒼乎其氣焯焯乎  
其文章居家行孝悌之道處鄉盡謙恭之禮訓誨  
子姪勉以守氈之責教授生徒充以飲河之量所  
以門欄肅然里黨於變松山一區尚有淳朴之風

焉則姻戚之願附士友之推重當何如哉顏余小子出入高門今一紀有餘每候龐床公整衿端坐不以簞瓢爲慮常以經籍自娛不知老之將至則視世之營汨於利害之場者相去遠矣不敏者不學之學果何如而况愛我導我之恩亦敢忘諸以來默祈者無疆遐算矣斯文不幸此生無祿奄哭良師慟矣悲夫冥行俵俵誰指我路日月如駛練朞在卽敢綴荒辭倩喉以告

又

永川李泰三

於乎小子蔑誠學書軒下未能成業不昧者存想

我公之愛我不已教誨諄諄不厭不倦期於成立而小子愚駉未效萬一曷勝茹恨哉歷思前塵長太息而痛哭者豈可枚舉哉以我公之高敏性行加刻苦不息之工宜展步於亨衢高飛於雲達而乃一區泉石五畝田園樂飢忘憂甘作老宿儒而止耶光風霽月我公之德儀也敦厚周詳我公之行誼也至於忠信孝友爲政一家庭無間言孝事二親天感其誠隣里化之後生之受業者滿於書塾而隨才教誨惟以小學一篇爲主常曰君子居是邦也不非其大夫此理最好蓋其一生操守盡

出於誠敬中也且小子旣失怙恃惟依仰於我公  
受小學而悠泛度日伐齊爲名一曝十寒奚能有  
補哉於乎幽明一理泉臺之下無異於陽界別過  
我先君於清都之上而或敘塵世未盡之懷而語  
及於小子耶言之痛心有淚盈眶昔我來斯談笑  
慈詳今我來斯素帷寂寞盃斝爲萬事望洋

又

南平文相德

猗歟我公文獻古家名聲藉蔚崑乎其德燁乎其  
文偉勲碩德馨纓文學韶州屈拇公生是庭詩禮  
是承擣染興立友于元季樂有麗澤忠實之質純

厚之資齊整衣冠歛膝危坐諸子百家靡不貫徹  
小子問業五六月霜才鈍質薄未免面墻先生易  
簣未能執燭揆諸情禮可愧瞻聆公靈有知難容  
厚誅先生在世問難質疑先生下世冥途擗墳俵  
俵窮途何處歸宿八旬偕老斯世罕福九月喪配  
仲冬奄忽天作之合延鈞同藏賢胤三哥俱是俊  
達早年光景人稱薛鳳次胤天逝尚有血嗣今已  
長成頗多展望季胤挈家入于北藩已經一紀往  
而不返世亂如今山河半壁天運循環倚伏無常  
種德已厚必駿其發英靈陰騰待後熾昌荒辭蕪



語撮告微衷伏惟尊靈庶賜歆右

又

族孫在漢

昔余在黜黜從先王考往拜函侯於松塢精舍則  
時我公在臯北上說經村秀羅列於席前衣冠頽  
古風儀不凡中心驚歎非斯世得見底宿德矣適  
值盛夏酷暑故盡日家後松亭清陰渴飲巖下列  
泉諸生頻多或吟或誦或記或讀及暮而歸在王  
考膝上而問其爲何處何老則王考云吾家之棟  
樑儒林之宗匠矣汝亦可速長而問業焉及余稍  
長膠於見聞就新學而亦無成業繼而風潮盪陸

骨肉塗炭圍圉焉。賈賈焉莫知休息不暇於讀書。  
曷勝茹恨噫。恭惟我公兀然端坐不關世之羸顛。  
劉蹶手不釋卷遊心於羲皇之世。人耄遐齡全生。  
全歸不愧不忤在公無所憾恨。而以我後生未能。  
執經問業於平日者。恨莫之追矣。悠悠蒼天此何。  
人斯。

又

真城李元王

在昔先子常語公之文行為。拇於吾鄉之章甫矣。  
思所追進高軒以遂夙昔慕庸之忱矣。汨於窮苦。  
未能遂誠。歎何及未幾先子見背。孤露餘生。此。

何人斯既失所怙終鮮兄弟踴涼出入俵俵柰何  
晚而幸結秦晉之誼得遂平昔識荆之願此生之  
榮蔑以加矣得拜高軒竊觀公孝友庭畔萊子斑  
衣日以為悅親是務子姪多數左右羅列無讓江  
州故事欽羨不已仰之彌高矣肆予小子仰而恃  
之百年暗祝世漸板蕩哲人萎兮世道之變而後  
生之嗟兮仰觀天宇日月明暗萬世無易曷日言  
歸於乎念茲涕泗泉澈登堂蕭然感舊悲今者奚  
後於人哉先以姻親而有其輕重之別亦其常也  
後以鄉隣世誼先子與公心同志合論文講經後

先聯翩其義亦宜十百於人人者矣今日之哭先  
感於是而發于辭者有以也於乎此夜難再辨香  
滑酒詎盡情曲伏惟尊靈庶賜歆右

又

門生豐川任東懋

一自世變滄桑百家異流交鬧紛譁兕虎率野斯  
文墜地惟我先生早自豎幟確然不動學則爲已  
遠訪從師於茶山倪翁真孟子所謂豪傑之士而  
詩之不素餐之君子也一區梓里兩松亭齋逍遙  
於羲皇歲月門多後輩不問可知爲胡公如昏衢  
之警燭大洋之砥柱今焉而已矣小子不類不迪

教訓悠泛度日不知勉學且比年南北構怨身不  
 免被堅執銳累年從軍至於易簣之日未能執燭  
 於席隅追思疇昔眷愛之恩誘掖之勤自不禁五  
 內崩拆也於予家後松亭依舊蒼然而巖下列泉  
 不改澄清寓慕羹墻無非傷心處也斯道髦梗無  
 人修治中流摧檣漂泊何處於予春風秋月先生  
 之襟懷也溫雅典實先生之接人也孝悌友恭先  
 生之家政也詩禮經術先生之茶飯也今皆不可  
 復承於斯世但見素帷寂寞蠟炬流淚俯仰人世  
 千古邈然膜拜斧堂秋草已宿三光不息九原莫

車  
三  
作鑽燧改火懸琴在壁薄奠荒辭詎盡萬一長痛  
而退萬事風燭洋洋在上庶賜歆右

又

從子公燮

天何降割于吾家若是其酷也小子祚薄既失怙  
時又未幾年伯父母兩位奄忽焉是小子不肖不  
孝之罪歟吾家不運之數歟抑壽命無福之故歟  
上焉而祖先之緒業將有誰而繼述下焉而子孫  
之迷惑將有誰而啓迪內而一家之政外而鄉黨  
之交誰可擔責小子之愚頑將仰誰而砭頂也悠  
悠蒼天此何為哉昔我府君三棣在世墳唱麓和

大被中堂日夕相樂雖分各戶財不私於有無雖  
炊各鼎味共歡於甘旨以至賓朋會遊之席佳辰  
名節之日相呼而先後相隨而次第矣倏焉之頃  
相離者幾年不見者幾月也相離則思之不見則  
欲見思不能得見欲見而不見甚矣此行也慟哉  
此行也竊想帝鄉清都復得佳緣而更敘此塵世  
之餘懷否於乎府君賦性明敏好學不倦博覽羣  
書日誦經傳真積力久蘊之爲德行行之爲事業  
一生履歷盡由小學中得出來者矣小子何敢讚  
揚其萬一哉教小子以小學多年諄諄懇懇呬詔

面命小子愚鈍百鞭不動寸進尺退可歎可痛日月不留祥期在明敬薦單學庶賜降歆

遺事

府君姓申氏諱相稷字舜佐農軒其號也貫鵝洲以高麗忠烈王朝版圖判書諱允濡謚貞肅爲上世有諱祐爲全羅道按廉使見麗末政亂歸隱南鄉廬墓三年血淚處雙竹生墓庭事聞表旌享凍水院有諱光富仕本朝歷臺省以直諫名是生諱士廉彥陽縣監是生諱錫命成均生員始奠居于義城元興洞是生諱俊禎承仕郎教授是生諱壽



周儻有節前後徵辟皆不就慎齋周先生誌其墓  
是生諱元祿以孝友學行矜式後生旌表門閭享  
藏待院世稱梅堂先生是生諱仙壬辰之亂爲本  
郡義將官司憲府監察是生諱志道有文行號稱  
三栢堂從弟懶齋誌其墓有諱垆克紹家學知名  
當世 贈承旨兼經營叅贊是生諱宏錫 贈戶  
曹叅判兼義禁府事是生諱翰戊申鄭賊之騷從  
族兄退澗公倡起義旅行資憲大夫中樞府事高  
祖諱必儉從再從兄生員公少炳有就正之益曾  
祖諱仁教家藏遺籍晚年移居于漆谷梅南里祖

諱冕賢孝行見稱始還居于義城梧山考諱光協  
 性度寬弘通於大義篤於衛先妣豐川任氏士人  
 成八女以 高宗丁丑四月二十七日生府君于  
 梧山里第天賦溫雅聰明穎悟甲申春移居于松  
 山乃府君八歲時也就同隣任桂山門學焉極蒙  
 獎許與毅翁弘宰申翁玉汝多有麗澤之資辛卯秋  
 而親患項腫府君吮而得差甲午東騷廉謹自衛  
 癸丑謁郭俛宇於茶山執贄焉丁巳 上皇賓天  
 登山望哭此時無服之論出於士類者多而府君  
 積極反對辛未遭外艱哀毀逾禮逐日省墓不避

風雨及遭內艱一如前喪一生操守敬謹誠篤叱  
 咤之聲未嘗至於犬馬家雖貧寒而甘旨之供極  
 忠養便身之物莫不畢給博洽丘墳條理通暢學  
 務實踐而懇懇爲諸生說經言其所以治己後治  
 人者常曰小學做人樣子終身用之有餘何暇於  
 他書乎兒孫有過未嘗以楚撻示威反覆曉諭恩  
 義感至以民國壬辰十一月二十日遽啓手足享  
 年七十六葬于松山案山天池西坐原配延安李  
 氏士人佑淵女先府君二月而歿葬同原於子顧  
 不肖夙遭險囂三歲失怙府君幾乎喪明極加愛

恤母氏劬勞俾至今日府君好學篤行平生著述  
不為不多而舉失於兵燹收拾殘爛手澤尚新曷  
勝哀痛摧裂哉謹搆平日所耳目者將以貢言于  
世之秉管君子云爾歲丙辰上元不肖孫基榮泣  
血謹書

行狀

公諱相稷字舜佐姓申氏貫鵝洲農軒其號也鵝  
洲氏以麗朝版圖判書諱允濡謚貞肅為上世有  
諱祐按廉使以孝旌廬墓血淚處雙竹生享凍水  
院有諱光富仕本朝歷臺省以直諫名是生諱士

廉彥陽縣監是生諱錫命成均生員是生諱俊禎  
承仕郎教授是生諱壽倜儻有節是生諱元祿孝  
友學行 贈戶部侍郎以孝旌享藏待院世稱悔  
堂先生是生諱仙壬辰亂本郡義將是生諱志道  
有文行號三栢堂從弟懶齋先生誌其墓有諱堦  
克紹家學知名當世是生諱宏錫 贈戶曹叅判  
兼義禁府都事是生諱瀚倡義戊申高祖諱必儉  
有文行曾祖諱仁教家藏遺籍猶有手澤晚年移  
居于漆谷梅南里祖諱冕鑽孝行見稱考諱光協  
號兩松堂松圃洪先生題其墓妣豐川任氏成八

女以 高宗丁丑四月二十七日生公于梧主第  
於兄弟居長也生有異質甫三歲母夫人患乳癯涕  
泣而不吮八歲移居于松山受讀于桂山公不  
待提督而勉焉孜孜十五親患項瘡數歲而得  
差辛卯春試衆皆勸公赴焉公以親病謝將多  
尚科文公獨凝然自守杜門養志不喜干戈遊  
冬則兩松下一屋子與子姪輩村叢讀書輒夏  
則結幕于山顛暢鬱敘懷爲政一家孝于親于  
兄弟保髮衣冠行步出入曾不入茶肆酒舍微  
細事必須親命而行之甲寅就質于茶田學郭

先生而先生極加獎許戊午十二月  太皇賓天  
 引諸生設位望哭此時無服之論起於士類而公  
 極加反對翌年二月四日因山後國內騷擾所稱  
 三一運動也俛宇翁送金昌淑書達于巴里萬國  
 公會上事被拘于大邱監獄也公躬往問候數日  
 待於門外是歲八月易簣而公又往哭受服甲子  
 遷葬亦如之蓋公之平生道義之學理氣之論皆  
 有所自受矣持心謹慎洞洞屬屬趨庭身若不勝  
 衣言若不出口丁二艱哀毀逾禮頓絕方蘇逐日  
 省墓風雨不避與二弟友愛尤篤人以大連小連

稱之聘延安李氏佑延女有婦德多補佐君子焉  
先公二年而生先公二月而卒有男三文燮德煥  
燿煥文燮男基遠基夏基洙女朴在暉德煥早卒  
止有男一基榮燿煥男基鴻基駿燿煥挈家八滿  
今不聞公壬辰十一月偶嬰微恙召子弟姪孫誠  
之以書農吾家世業而孝友是裘褐則慎毋荒墜  
因整衣裳適然而逝乃是二十日子時也於乎公  
以聰明之姿承詩禮之訓加刻苦之工遭時板蕩  
未得展志於需世終淹抑於林下白屋之中兼以  
中年哭次子旣冠之淚東門之達觀西河之喪明



古今猶然曷勝痛恨哉今公之歿倏忽十有星霜  
 矣胤子文燮君懼夫懿跡之泯滅訪余于白棲亭  
 上要余以狀其行者回念尊公與我先考同生丁  
 丑而毅翁任弘宰朴翁萬基氏并爲四信契以爲  
 麗澤之資且余以謫劣疇昔茶田之累次往返常  
 從後塵至於松亭講義之日山幕暢敘之夏每追  
 採杖屨矣撫古懷今義何敢辭茲敢忘僭拙謹構  
 平日耳之目之者以塞孝子之責將以俟夫後之  
 立言君子採擇焉壬寅流火節侍下生金海金鍾  
 珉謹書

墓碣銘

故農軒處士鵝洲申公諱相稷字舜佐衣鳥之藏  
於義城郡南松山案負戍之原先塋下而距其世  
倏忽已二十五星霜矣追惟昔日小子輩之掘衣  
於門下者亦皆星落殆盡而余以散材尚覲然人世  
者顧何以爲心哉一日先生之孫基榮泫然要余  
以先塋豎碣之意余感慨無量不勝飲泣矣基榮  
乃公之次胤德煥之孤德煥遺三歲孩而夭逝矣  
基榮之必於我者似有以也謹按鵝洲氏上世有  
諱允濡以清直顯高麗忠烈王朝官至版圖判書

謚貞肅自是歷世軒冕鴻碩卓節高行為吾鄉屈  
 拇考號兩松堂諱光協有卓行高義妣豐川任氏  
 成八女有婦德以 高宗丁丑四月二十七日生  
 公于梧山里第生得天姿穎悟稔雅明敏不待教  
 督而孜孜爲學諸子百家無不遍覽而尤著工於  
 小學早遊桂山任公之門而公極加獎許晚更就  
 質于俛字郭先生之門而先生稱其坯璞已成遭  
 世板蕩無意進取獎進後生爲政一家親病嘗糞  
 吮腫環堵蕭然務悅親心與二弟友愛尤篤居喪  
 守制人以大連小連稱之爲文惟以理爲勝不尚

奇高嘗曰小學做人樣子不可須臾離也其所著述不爲不多而舉失於向昔白虎之燹殘金片翎之遺在巾笥者歸於虫噬烟煤此則收拾之責在於小子輩而摩挲手澤涕淚不已先生以民國壬辰十一月二十日召門生子姪齋恨國內分黨論以居是邦也不非其大夫此理最好云迨然而終此可見一生之操守心法矣享年七十六夫人延安李氏佑淵女貞靜專一事舅姑極盡孝敬舉三男文燮德煥敬煥文燮男基遠基洙基夏女朴在暉德煥男基榮敬煥男基鴻基駿基遠男在龍永鎬敬鎬昌

鎬女金廷水基榮男碩鎬臺鉉鎮臺女李鍾潤敬  
煥早負不羈之志挈家入滿今世變滄來音信莫  
通則吁可恨也已銘曰

百行之源以孝爲先傳授心法小學一篇事親竭  
力大連小連到老靡懈日夕乾乾非我求蒙廣設  
函筵有亭兩松有屋數椽餘蔭無改歲寒蒼然不  
求不忮我田我泉遯世無憫可質于天鎬此貞珉  
於萬斯年歲丙辰正月望日門生豐川任台淳謹  
撰

墓誌銘

余弱冠獲拜先生於我蓮谷里第時李二悔洪松  
圃我先君兄弟同在座也氣宇端雅性行明敏保  
髮峩冠純服博帶論議鄭重見知爲有德君子也  
乃是公之次子德煥卽我三從弟兄而方新成醮  
禮誼結孔嘉作上賓而來也得見先生長者之志  
氣相孚數日留連詩酒相樂中心欽頌矣我弟兄  
則長我二歲而適與我姊同乙巳也年方十七而  
容貌端雅文詞夙達認是知藍田之產而九苞之  
雛也其後余出脚於時潮不家食數十星霜矣不  
幸我弟兄遺一塊血肉而妙年夭折矣日月流邁

天道好還祖國光復解放鍾鳴余方寄跡於塔里  
 寓舍日一丈夫來訪儀表軒昂辭氣快活相敘知  
 其爲向之一塊肉名基榮也於乎此是人間世浮  
 休也倚伏也居諸四十年之間滄桑翻覆古老碩  
 德次第星落寧不悲哉基榮出示公行錄而要余  
 以誌其墓者余雖不文義何敢辭謹按鵝洲氏以  
 麗朝版圖判書謚忠肅諱允濡爲鼻祖曰按廉使  
 諱祐以孝旌享凍水院曰悔堂先生亦以孝享藏  
 待院曰司憲府監察諱化壬辰亂本郡義將曰三  
 栢堂諱志道曰左承旨諱罔世多簪纓考諱光協

號兩松堂有特行高義祖諱冕貧以孝行見稱曾  
 祖諱仁教有文行高祖諱必儉俱有潛德妣豐川  
 任氏成八女以丁丑四月二十七日生公于梧山  
 里第八歲移居于松山就學于桂山任公聰明穎悟不  
 待提督而課讀不懈與毅翁任弘宰居相接齒相似  
 戚相近也日邁月征須多磨琢晚更就質于倪宇郭  
 先生之門而得聞性理之學日與村蒙鄉秀研究  
 經術事親至孝嘗糞吮腫王一憂哀毀逾禮幾乎滅  
 性省墓風雨不停終日歛膝危坐肩背踈直手不  
 釋卷及其國事一變而坤宮遇害且遭喪明之痛



則一切廢出八而寓目於囊箱之中遊神於清涼  
之界優遊自適焉壬辰十一月二十日子時終壽  
七十六配延安李氏佑淵女先公二年而生同年  
九月而卒墓雙封男文燮德煥敬煥文燮男基遠  
基夏基洙女朴在暉德煥男基榮敬煥男基鴻基  
駿餘繁不盡錄銘曰

玉出藍田材產鄧林萬機消長一理相尋孝友家  
謨自古傳今晦堂旨訣侏字詮心洪流達枝源遠  
根深一生履歷百鍊精金聞風君子孰不歛衽戒  
爾樵牧慎毋或侵歲丙辰正月上元永川李厚榮

謹撰

文集告成文

伏以天資穩雅地步純真孝友家政先武式遵早  
遊桂門聰明超倫就正茶田性理采臻萬機陰陽  
一理天人嘗糞吮腫篤孝事親世與我違河干置  
輪來學盈門教誨諄諄飲河克腹次序循循不厭  
不倦倒廩傾困一生操守不緇不磷依倚真影遺  
在箱巾多失兵燹不謹守因收拾殘編爛相謀詢  
今纔訖刊微悃庶伸敢告厥由吉日良辰陟降尊靈於  
萬斯春丙辰三月日門生商山朴成九謹告

豎碣告由文

天賦穎悟行義端方孝友家政天降禎祥親病吮  
腫有魚出塘師承俊宇祖述梅堂爬櫛丘墳斐然  
成章付樂育英養蒙有光百世清風山高水長記  
實鐫石有徽煌煌敢告厥由敬薦洞觴歲丙辰三  
月日族第五植謹告

後敘

龜蓮之於松山距間一小山稜而路不崇朝也余  
幼時從王考杖屨後往松山兩松下一草堂納拜  
於先生見其保髮我冠學徒多列侍於前席而我

家兄亦同陪焉家兄挾書朝而往暮而歸暮而往朝而歸頻頻往來相續請業勉學多有年所矣且我王考誠勤教孫間日往訪移時談話而齎誠焉後聞知我公之文學德行為吾林之師表而吾家之棟樑矣所以仰之高而慕之誠矣其後余則流於俗學家兄浪遊海外居諸四十餘年之間世道變遷人事翻覆我公與王考已從造化者遊久而我家兄亦為非此世人矣俯仰今昔寧不黯然消魂乎近見公之孫基榮竭力殫誠已表顯刻於羨門且收散文於棗瀾劫灰之餘付之剗剗功底告成

猗歟偉哉庸敘數語以寫夙昔慕仰之忱且賀孝  
孫之勤誠云爾族孫載達盥手謹書

跋

此乃我王考農軒府君遺集也恭惟我府君天賦  
純粹持身謹慎篤於彝倫以孝治家趨庭詩禮叱  
叱之聲未嘗至於犬馬雖在倉猝無疾言遽色解  
經懇懇說盡反覆開喻就其切近者曉之或有過  
失則掩戶自過亦未嘗以楚撻加之使之自肅自  
戒所以庭無間言矣但世值陽九斯文墜地所學  
所抱不得見用於世重之以仲父下世季父入滿

門外之苛求無村不石塚也惟府君特然自守衡  
門樂飢陋巷簞瓢遯世無憫日與村叅鄉秀講究  
經術遊心於書契之上何其偉哉噫府君之去世  
倏忽二十五星霜矣墓槨已拱而府君之懿行淑  
德將泯滅而無傳而巾衍之藏失於兵燹害於虫  
鼠此則莫非余小子保守不謹之致也頃者基榮  
君另加籌劃旣豎顯刻之石收拾散爛之文編旣  
成矣敢置數語于卷端用寓區區之微忱云爾不  
肖孫基遠泣血謹書

農軒文集卷之三